

為戰鬥月刊紀念李浴日先生逝世而作

陳縱材

不朽事業，在立言方面。浴日先生洵然盡其最大努力，而成就亦偉，在彼努力軍事文化垂廿餘年，成書過百萬字，均由其一手所自創，並無接受任何之支助，其功已不可混。

在彼所著述典籍中，以「孫子兵法新研究」一書最為余所推許，蓋孫子兵法博大精深，包羅萬象，人不易解，今得李先生以哲學之眼光分析之，正是其獨到之處，且以流暢之筆，引申其義，使讀者一目了然，尤為其著述之特長，故其書不祇是兵學之書典，而亦是文章中之精華也，然而，李先生往矣，吾知此書今後必宏揚於世界，紙貴洛陽也。

李先生嘗言彼以微小之經費，辦一軍事刊物，與國家耗費大量金錢，辦一軍事學校適應國家之需要無分軒輊，余常味其言，蓋創辦軍校與刊行軍事讀物在作用上並無分軒輊，蓋軍人必須在學校養成戰鬥技術與用兵治兵建軍之學，先行奠立本身之基礎，但學問完成，得成爲一代名將，則端難校之後，本其經驗與窮年累月研究而得，軍事刊物即能供此需要，其價值已不待言。

今李先生雖寂，然其嘉言懿行，則正如日月之經天，江河之委地，吾知李先生其永存矣！